

365

Na osnovu člana IV. 4.a) Ustava Bosne i Hercegovine, Parlamentarna skupština Bosne i Hercegovine na 26. sjednici Predstavničkog doma, održanoj 17. marta 2016. godine, i na 16. sjednici Doma naroda, održanoj 22. marta 2016. godine, usvojila je

ZAKON**O IZMJENAMA I DOPUNAMA ZAKONA O KONTROLI KRETANJA ORUŽJA I VOJNE OPREME****Član 1.**

U Zakonu o kontroli kretanja oružja i vojne opreme ("Službeni glasnik BiH", broj 53/09) u članu 1. iza riječi "tranzita" riječi: "oružja i vojne opreme" zamjenjuju se riječju "naoružanja".

Član 2.

U članu 3. tačka a) mijenja se i glasi:

"a) Naoružanje je oružje, municija, dijelovi oružja i municije, vojna oprema, instrumenti, uređaji i sredstva sa Liste naoružanja i vojne opreme iz člana 4. stav (2) ovog zakona".

Tačka b) briše se.

Dosadašnje tač. c), d), e) postaju tač. b), c), d).

Iza dosadašnje tačke e) koja postaje tačka d) dodaje se nova tačka e) koja glasi:

"e) tranzit znači carinskim propisima uređen carinski postupak prema kojima robe s liste za koje je potrebno odobrenje Ministarstva sigurnosti prolaze preko carinskog područja Bosne i Hercegovine."

Član 3.

U članu 4. stav (2) iza riječi "odobrenje" brišu se interpunkcijski znak zarez i riječi: "a lista će sačinjavati naoružanje i vojnu opremu koja se nalazila na listi naoružanja koju je EUFOR koristio u proteklom periodu,".

Član 4.

U članu 6. stav (1) u tački d) riječi: "serijski broj" zamjenjuju se riječju "karakteristike".

U tački f) iza riječi "sredstvu" dodaju se riječi: "(broj važeće saobraćajne dozvole, registarske oznake, naziv pravnog lica ili fizičkog lica-preduzetnika koje vrši prijevoz oružja)".

U tački g) iza riječi "isprave" dodaju se riječi: "nadležni organ izdavanja i vrijeme važenja lične karte ili putne isprave".

U tački k) ispred riječi "pravac" dodaje se riječ "Detaljan".

U stavu (2) u tački a) interpunkcijski znak zarez iza riječi "uvoza" zamjenjuje se veznikom "ili", a riječi: "ili tranzita" brišu se.

U tački b) iza riječi "naoružanja" dodaju se riječi: "ukoliko je za takvu vrstu naoružanja potrebno odobrenje po zakonima kojima se regulira nabavljanje, držanje i nošenje oružja".

Iza tačke c) dodaje se nova tačka d) koja glasi:

"d) ADR certifikat o odobrenju za vozilo i vozača, u skladu s Evropskim sporazumom o međunarodnom drumskom prijevozu opasnih materija (u daljnjem tekstu: ADR), za robu sa listi ADR-a".

Član 5.

U članu 7. ispred riječi, "vrši" dodaju se riječi: "po potrebi", a iza riječi "elemenata" dodaju se riječi: "bitnih za kretanje naoružanja".

Član 6.

U članu 9. stav (1) u tački e) iza riječi "dozvole" dodaju se riječi: "broj ADR certifikata vozila i broj ličnog ADR certifikata - ukoliko je u pitanju prijevoz robe s listi ADR-a", a iza riječi "isprave", dodaju se riječi: "nadležni organ izdavanja i vrijeme važenja lične karte ili putne isprave, naziv pravnog lica ili fizičkog lica-preduzetnika koji vrši prijevoz oružja".

U tački g) ispred riječi "smjer" dodaje se riječ "Detaljan".

Član 7.

U članu 14. stav (1) riječ "dva" zamjenjuje se riječju "tri".

Član 8.

Član 19. mijenja se i glasi:

"Član 19.

- (1) Novčanom kaznom u iznosu od 1.000,00 KM do 10.000,00 KM kaznit će se za prekršaj pravno lice, a novčanom kaznom u iznosu od 500,00 KM do 3.000,00 KM odgovorno lice u pravnom licu, koje u zahtjevu za izdavanje odobrenja za kretanje naoružanja navede netačne podatke (član 6.).
- (2) Novčanom kaznom u iznosu od 5.000,00 KM do 20.000,00 KM kaznit će se za prekršaj pravno lice, a novčanom kaznom u iznosu od 1.000,00 KM do 5.000,00 KM kaznit će se odgovorno lice u pravnom licu ako:
 - a) organizira kretanje naoružanja bez prethodno pribavljenog odobrenja (član 9.) ili bez najave (član 14.);
 - b) organizira kretanje naoružanja suprotno izdatom odobrenju u pogledu vrste ili količine naoružanja (član 9.), ili suprotno najavi u pogledu vrste ili količine naoružanja (član 14.).
- (3) Novčanom kaznom u iznosu od 1.000,00 KM do 10.000,00 KM kazni't će se za prekršaj pravno lice, a novčanom kaznom u iznosu od 500,00 KM do 3.000,00 KM odgovorno lice u pravnom licu ako:
 - a) organizira kretanje naoružanja suprotno izdatom odobrenju u pogledu pravca kretanja, odnosno odobrenog graničnog prijelaza (član 9.) ili suprotno najavi u pogledu pravca kretanja odnosno odobrenog graničnog prijelaza (član. 14.);
 - b) organizira kretanje naoružanja suprotno izdatom odobrenju u pogledu vozila ili vozača (član 9.) ili suprotno najavi u pogledu vozila ili vozača (član 14.).
- (4) Novčanom kaznom u iznosu od 500,00 KM do 5.000,00 KM kaznit će se za prekršaj vozač koji:
 - a) obavlja kretanje naoružanja bez prethodno pribavljenog odobrenja (član 9.) ili bez najave (član 14.);
 - b) obavlja kretanje naoružanja suprotno izdatom odobrenju u pogledu vrste ili količine naoružanja (član 9.) ili suprotno najavi u pogledu vrste ili količine naoružanja (član 14.).
- (5) Novčanom kaznom u iznosu od 500,00 KM do 3.000,00 KM kaznit će se za prekršaj vozač koji:
 - a) obavlja kretanje naoružanja suprotno izdatom odobrenju u pogledu pravca kretanja odnosno odobrenog graničnog prijelaza (član 9.), ili suprotno najavi u pogledu pravca kretanja odnosno odobrenog graničnog prijelaza (član 14.);
 - b) obavlja kretanje naoružanja suprotno izdatom odobrenju u pogledu vozača ili vozila (član 9.) ili suprotno najavi u pogledu vozača ili vozila (član 14.).

Član 9.

Ovaj zakon stupa na snagu osmog dana od dana objavljivanja u "Službenom glasniku BiH".

Broj 01,02-02-1-36/15

22. marta 2016. godine

Sarajevo

Predsjedavajuća
Predstavničkog doma
Parlamentarne skupštine BiH
Borjana Krišto, s. r.

Predsjedavajući
Doma naroda
Parlamentarne skupštine BiH
Mr. Ognjen Tadić, s. r.